

## ვენჩურული კაპიტალის ინვესტიციის პროგრამა - III (VCIP III)

მდებარეობა:  
რეგიონული

პროექტის ნომერი:  
53257

ბიზნესის სექტორი:  
ტელეკომუნიკაცია, მედია და ტექნოლოგია

შეტყობინების ტიპი:  
კერძო

გარემოს დაცვის კატეგორია:  
FW

დამტკიცების თარიღი:  
23 თებერვალი 2022

სტატუსი:  
**კონცეფცია განხილულია**

პროექტის მოკლე ანოტაციის ინგლისურად  
გამოქვეყნების თარიღი:  
14 თებერვალი 2022

## პროექტის აღწერა

EBRD, ვენჩურული კაპიტალის საინვესტიციო პროგრამის III (VCIP III) მეშვეობით, რომელიც წარმოადგენს ბანკის ვენჩურული კაპიტალის საინვესტიციო პროგრამის გაგრძელებას, წინა ორი ჩარჩოს - VCIP I და VCIP II-ის საშუალებით, მიზნად ისახავს ინვესტირებას ახლადშექმნილ და ზრდის სტადიაზე მყოფ ტექნოლოგიურ კომპანიებში აქციების და საქციო კაპიტალთან დაკავშირებული ინსტრუმენტების საშუალებით (ინვესტიციის მოცულობა - 25 მილიონ ევრომდე) ბანკის ოპერირების ქვეყნებში, ვენჩურული კაპიტალის გამოცდილ თანაინვესტორებთან ერთად. ინვესტიციები განზრახულია ინოვაციურ და სწრაფად მზარდ, მცირე და საშუალო ზომის კომპანიებისათვის, რომლებსაც უმეტესწილად არასაკმარისად ემსახურება

შეზღუდული ვენჩურული კაპიტალის საზოგადოება, ბაზარზე არსებული ვენჩურული კაპიტალის დანაკლისის შესავსებად.

## პროექტის მიზნები

VCIP III-ის უმთავრესი მიზანია ინოვაციური ტექნოლოგიების განვითარება და კომერციალიზაცია და ბანკის ფუნქციონირების ქვეყნებში წამყვანი ვენჩურული ფონდების მოზიდვა, სადაც სარისკო კაპიტალის ხელმისაწვდომობა ჯერ კიდევ ძალიან დაბალია და სარისკო კაპიტალის ეკოსისტემები ჯერ კიდევ წარმოქმნის სტადიაშია.

სხვა მნიშვნელოვანი მიზნები: (i) VCIP ჩარჩო ბანკს საშუალებას მისცემს გაამყაროს ცოდნის ეკონომიკა EBRD-ის რეგიონში, განავითაროს ტექნოლოგიური ეკოსისტემები და მხარი დაუჭიროს ინოვაციებს; ii) ბანკი, VCIP ჩარჩოს საშუალებით, მნიშვნელოვან როლს ასრულებს სარისკო კაპიტალის დაფინანსების ხარვეზის შევსებაში, რომელიც EBRD-ის რეგიონში არსებობს; iii) VCIP საშუალებას აძლევს ბანკს, შეინარჩუნოს სპეციალიზირებული პორტფელის მიდგომა უფრო მაღალი რისკის/უფრო დიდი ბრუნვის ინვესტიციის შესაძლებლობების მიმართ.

## შუალედური შედეგი

ETI ქულა: 80

VCIP-VD ჩარჩო ხელს შეუწყობს კონკურენტუნარიან და გამძლე გადასვლისთვის თვისებების ჩამოყალიბებას, რადგან ის მხარს დაუჭერს ინოვაციურ ტექნოლოგიებზე დაფუძნებული, ახლადშექმნილი კომპანიების განვითარებას და უზრუნველყოფს ვენჩურული კაპიტალზე მეტ ხელმისაწვდომობას, რომელიც EBRD-ის რეგიონში ჯერ კიდევ საწყის ეტაპზეა.

ციფრულ განვითარებაზე ორიენტირებულ კომპანიებში ინვესტიციებით, რომლებიც ბაზარს ტექნოლოგიაზე დაფუძნებულ გადაწყვეტილებებს სთავაზობენ, VCIP III პირდაპირ წვლილს შეიტანს EBRD-ის სტრატეგიული კაპიტალის ჩარჩოს პრიორიტეტში - ციფრული გადასვლის დაჩქარებისკენ. VCIP საქმიანობის შემდგომი გაფართოება EBRD-ის რეგიონში, სადაც სარისკო კაპიტალის ბაზრები ჯერ კიდევ საწყის ეტაპზეა, ასევე მოსალოდნელია, რომ ხელს შეუწყობს წარმატებული მეწარმეობის და სარისკო კაპიტალის, როგორც აქტივების კლასის, ეფექტის დემონსტრირებას.

## ინფორმაცია კლიენტის შესახებ

განსხვავებულია თითოეული კლიენტისათვის.

## EBRD-ის დაფინანსების ჯამი

250,000,000.00 ევრო.

# პროექტის მთლიანი ღირებულება

250,000,000.00 ევრო.

## დამატებითი ფაქტორები

მოსალოდნელია, რომ ჩარჩო შეასრულებს ორ დამატებით როლს: (i) ადგილობრივი თანაინვესტიორების მხარდაჭერას გლობალური ვენჩურული კაპიტალის ინვესტიციებისთვის; და (ii) ადგილობრივი ვენჩურული კაპიტალის სინდიკაციის ბაზრის გაზრდა.

## გარემოს დაცვისა და სოციალური საკითხები

თავად ჩარჩოს არ აქვს კატეგორია მინიჭებული ბანკის გარემოს დაცვისა და სოციალური პოლიტიკის მიხედვით (2019), თუმცა, თითოეულ ქვეპროექტს კატეგორია მიენიჭება ინდივიდუალურად და დაექვემდებარება ინდივიდუალურ გარემოსდაცვით და სოციალურ წინასწარ კვლევას (ESDD), ასევე, განხორციელდება GET შემოწმება კონკრეტული პროექტისა და კლიენტისათვის. ქვეპროექტის კატეგორიიდან გამომდინარე, შესაბამისი ESDD უზრუნველყოფს, რომ თითოეული ქვეპროექტი ჩამოყალიბდეს იმგვარად, რომ შეესაბამებოდეს ბანკის PR-ებს.

## კომპანიის საკონტაქტო ინფორმაცია

ბახრომ იბრაგიმოვი  
02073386000

## პროექტის მოკლე ანოტაციის განახლების თარიღი

14 იანვარი 2022

## შუალედური შედეგის შესახებ

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია აქ.

## ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: [projectenquiries@ebrd.com](mailto:projectenquiries@ebrd.com)

სახელმწიფო სექტორის პროექტებზე ინფორმაციისთვის ეწვიეთ EBRD Procurement-ს:

ტელ.: +44 20 7338 6794

ელ. ფოსტა: [procurement@ebrd.com](mailto:procurement@ebrd.com)

## ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია EBRD-ის ინფორმაციის მოთხოვნის ფორმის საშუალებით.

## გარემოს დაცვისა და სოციალური საკითხების პოლიტიკა (ESP)

ESP-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია ESP-ში.

## ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე [compliance@ebrd.com](mailto:compliance@ebrd.com). თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

## ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ ინფორმაციაზე წვდომის პოლიტიკის გვერდს.

კონკრეტული ინფორმაციის მოთხოვნა შესაძლებელია EBRD-ის ინფორმაციის მოთხოვნის ფორმის გამოყენებით.

## პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში გარემოს დაცვით და სოციალური პოლიტიკისა და ინფორმაციის ხელმისაწვდომობის პოლიტიკის კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ პროექტის ანგარიშვალდებულების დამოუკიდებელი მექანიზმის ვებგვერდს, IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ როგორ უნდა წარადგინოთ მოთხოვნა განსახილველად; ან დაუკავშირდით IPAM-ს ელ.ფოსტით [ipam@ebrd.com](mailto:ipam@ebrd.com), რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.